

CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA E A UNIVERSIDADE DE SANTIAGO DE COMPOSTELA PARA A REALIZACIÓN DE PRÁCTICAS ACADÉMICAS EXTERNAS CURRICULARES OU EXTRACURRICULARES DE ALUMNOS DO MÁSTER UNIVERSITARIO EN MÁRKETING, CONSULTORÍA E COMUNICACIÓN POLÍTICA

En Santiago de Compostela , a 10 de marzo de 2017

REUNIDOS


Dunha parte, Alfonso Rueda Valenzuela, Vicepresidente e Conselleiro de Presidencia, Administracións Públicas e Xustiza, actuando en nome e representación da Xunta de Galicia, en virtude do Decreto 148/2016, do 13 de novembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

Dunha parte o Excmo. Sr. D. Juan Manuel Viaño Rey, Reitor Magnífico da Universidade de Santiago de Compostela que actúa en nome e representación dela en virtude do Decreto 62/2014, de 28 de maio (DOG 4/06/2014), de seu nomeamento, e polas facultades conferidas pola Lei Orgánica 6/2001, de 21 de decembro, de Universidades, modificada pola Lei Orgánica 4/2007, de 12 de abril e o Decreto 14/2014, de 30 de xaneiro, polo que se aproban os estatutos da Universidade de Santiago de Compostela .

Ambas as dúas partes recoñécense mutuamente, na calidade con que cada un intervén, a capacidade legal necesaria para subscribir este Convenio, e para tal efecto,

EXPOÑEN

- I. Que o Real Decreto 592/2014, de 11 de xullo, que regula as prácticas académicas externas de estudantes universitarios establece no seu art. 8.1.a a posibilidade de que os estudantes matriculados en ensinanzas impartidas pola Universidade realicen prácticas académicas externas, que poderán ser curriculares ou extracurriculares.



- II. Que o Real Decreto 1791/2010, do 30 de decembro, polo que se aproba o Estatuto do Estudiante, establece no seu art. 8.f o dereito dos estudantes á realización de prácticas curriculares ou extracurriculares, que poderán realizarse en entidades externas.
- III. Que os Estatutos da Universidade de Santiago de Compostela establecen (Disposición Adicional Primeira) que “a Universidade de Santiago de Compostela poderá contar coa colaboración de profesionais externos no desenvolvemento de actividades prácticas derivadas de convenios ou acordos con ela, para impartiren prácticas tuteladas externas, segundo o que se estableza nestes convenios, e procurará o adecuado recoñecemento desta colaboración”. Así mesmo, no art. 51 f) indican que unha función das facultades e escolas é a promoción e implantación de medidas para a realización de prácticas externas.
- IV. A adecuación dos programas educativos ás necesidades do mundo laboral constitúe unha das preocupacións da Universidade de Santiago de Compostela, de aí que sexa un dos obxectivos da USC o complementar a súa formación teórica mediante as prácticas en entidades que lles permite coñecer a realidade laboral.
- V. A Vicepresidencia e Consellería de Presidencia, Administracións Públicas e Xustiza ten interese en colaborar no sistema de formación práctica do alumnado da USC, ao considerar que esta actividade pode resultar de grande interese para completar a formación dos futuros profesionais.
- VI. Todas as partes consideran necesario un maior acercamento entre o ámbito laboral e a universidade, para facilitar a futura inserción laboral dos universitarios mediante a alternancia da súa formación teórica con prácticas externas, acadando ó mesmo tempo a mellor cualificación e Inserción no ámbito laboral
- VII. Co Convenio preténdese enmarcar a cooperación educativa na que se delimite as garantías recíprocas do alumnado e a a Vicepresidencia e Consellería de Presidencia, Administracións Públicas e Xustiza no desenvolvemento do período de prácticas.

En consecuencia, acordan formalizar o presente Convenio de Colaboración coas seguintes

CLÁUSULAS

Primeira.- OBXECTO.

As partes asinantes acordan establecer un programa para a realización de prácticas académicas externas dos alumnos nas instalacións da Vicepresidencia e Consellería de Presidencia, Administracións Públicas e Xustiza, así como para aportar os seus expertos para aquela parte da docencia teórico-práctica especializada que fora precisa. As prácticas poderán ser:



- **Curriculares**, contempladas nos plans de estudos.
- **Extracurriculares**, ou complementarias.

O convenio fixa os mecanismos de colaboración entre as partes coa finalidade de establecer unha adecuada programación, desenvolvemento e verificación da colaboración.

Segunda.- CONVOCATORIA DE PRÁCTICAS.

Realizarase, como mínimo, unha convocatoria de prácticas en cada curso académico. A realización efectiva das prácticas convocadas poderá exceder do período ordinario do curso académico con límite ata o 30 de setembro do curso seguinte.

O órgano previsto na convocatoria efectuará a selección dos estudantes conforme aos criterios establecidos, que deberán ser taxados e nos que se terá en conta o rendemento académico. No caso de que a convocatoria das prácticas non concrete a valoración dos méritos, o órgano de selección deberá elaborar e publicar os ditos criterios antes da análise dos expedientes.

En todo caso, terán prioridade nos procesos de selección as prácticas curriculares sobre as extracurriculares. Así mesmo outorgarase prioridade na elección e adxudicación de prácticas aos estudantes con discapacidade, con obxecto de que poidan optar a empresas nas que teñan unha adaptación de medios para a realización das prácticas.

Unha vez asignado o destino das prácticas e antes do seu inicio, o estudante ten que ter formalizada a oportuna matrícula.

Terceira.- REQUISITOS DOS ESTUDANTES EN PRÁCTICAS.

Poderá participar nas prácticas o alumnado do Máster Universitario en Márketing, Consultoría e Comunicación Política.

Para a realización das prácticas académicas externas os estudantes deberán cumprir os seguintes *requisitos*:

- a) Estar matriculado na titulación á que se vinculan as prácticas segundo as competencias que debe adquirir o alumnado.
- b) Non ter superados os créditos vinculados a estas prácticas externas curriculares, e non ter realizado o depósito do título. Os estudantes deberán matricular os créditos correspondentes ás prácticas curriculares adxudicadas.
- c) Non ter cuberto o número máximo de créditos de prácticas externas extracurriculares e non ter realizadas estas prácticas na mesma entidade en convocatoria precedente, agás que a actividade a realizar sexa nun programa diferente, nunha unidade ou dispositivo diferente, ou non superase o límite máximo de horas nesa empresa; e non ter realizado o depósito do título. Os estudantes deberán matricular os créditos correspondentes ás prácticas



extracurriculares adxudicadas.

- d) Non manter ningunha relación contractual coa empresa, institución ou entidade pública ou privada na que se van a realizar as prácticas, agás autorización expresa do órgano convocante e da Vicepresidencia e Consellería de Presidencia, Administracións Públicas e Xustiza que se poderá outorgar cando as prácticas a realizar non teñan ningunha relación co contido do contrato laboral en vigor.

Cuarta.- NÚMERO DE PRAZAS DE PRÁCTICAS.

O número de prazas que se convocarán para realizar as prácticas determinará a Comisión de Seguimento deste convenio e concretaranse nas convocatorias que faga a USC.

Quinta.- DURACIÓN DAS PRÁCTICAS, RÉXIME DE PERMISOS E CONDICIÓN DE RESOLUCIÓN ANTICIPADA DAS PRÁCTICAS.


1. A duración das prácticas será a seguinte:

- a) As prácticas externas curriculares terán a duración que estableza o plan de estudos correspondente, nos termos establecidos polo artigo 12.6 do Real Decreto 1393/2007, de 29 de outubro, polo que se establece a ordenación das ensinanza universitarias oficiais.
- b) As prácticas externas extracurriculares terán unha duración non superior ao cincuenta por cento do curso académico, é dicir, 30 ECTS (ou sexa, 750 horas, considerando unha equivalencia de 25h/ECTS).

2. Os horarios de realización das prácticas estableceranse de acordo coas características das mesmas e as dispoñibilidades da Vicepresidencia e Consellería de Presidencia, Administracións Públicas e Xustiza. Deberán ser compatibles coa actividade académica, formativa e de representación e participación desenvolvida polo estudante na universidade.

3. O réxime de permisos será acordado entre a Vicepresidencia e Consellería de Presidencia, Administracións Públicas e Xustiza e o estudante, e deberá adaptarse ás normas que a Universidade poida establecer. En todo caso, deberán respectarse por parte da citada consellería as obrigas que se deriven polo cumprimento da actividade académica e formativa, así como de representación e participación dos estudantes.

4. Poderá ser excluído das prácticas académicas o estudante que incumpra as actividades definidas no proxecto formativo ou as directrices marcadas polo titor da Vicepresidencia e Consellería de Presidencia, Administracións Públicas e Xustiza. Neste caso, esta consellería comunicará á Universidade esta circunstancia e, de común acordo, ambas entidades poderán dar por finalizada anticipadamente a realización da práctica externa coa perda dos dereitos formativos.



No caso de que as prácticas na Vicepresidencia e Consellería de Presidencia, Administracións Públicas e Xustiza non se axusten ó acordado coa coordinación do título poderá ser motivo de rescisión delas. Nestes casos, a Comisión de Coordinación ou órgano competente ao efecto deberá ofrecer unha solución para completar o período que lle reste ao estudante para finalizar as prácticas.

Así mesmo, o estudante en prácticas poderá, por causas xustificadas, solicitar a renuncia a elas o que deberá ser resolto polo Vicerreitor con competencias na materia de prácticas académicas.

Sexta.- PROXECTO FORMATIVO DAS PRÁCTICAS.



O proxecto formativo en que se concretará a realización das prácticas académicas externas deberá fixar os obxectivos educativos e as actividades que se vaian desenvolver. Os obxectivos estableceranse considerando as competencias básicas, xenéricas, específicas e transversais que debe adquirir o estudante. Así mesmo, os contidos das prácticas definiranse de forma que aseguren a relación directa das competencias a adquirir cos estudos cursados. *Este proxecto formativo especificase no Anexo a este Convenio para a realización de prácticas académicas externas.*

Sétima.- VINCULACIÓN DOS ESTUDANTES EN PRÁCTICAS COA VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICA E XUSTIZA.

1. A relación dos estudantes en prácticas coa Vicepresidencia e Consellería de Presidencia, Administracións Públicas e Xustiza non terá en ningún caso carácter laboral e, polo tanto, non se poderá acoller a ningunha modalidade contractual laboral das previstas no Estatuto dos Traballadores.
2. As actividades estarán sempre orientadas á aprendizaxe práctica titorizada, polo que os estudantes en prácticas non poderán realizar tarefas de responsabilidade nesta consellería, nin as propias e exclusivas do seu persoal.
3. A Vicepresidencia e Consellería de Presidencia, Administracións Públicas e Xustiza non poderá cubrir co estudante en prácticas ningún posto de traballo, nin sequera con carácter eventual ou interino.
4. Durante o período de prácticas non se poderá formalizar ningún contrato de traballo entre a Vicepresidencia e Consellería de Presidencia, Administracións Públicas e Xustiza e o estudante.

Oitava.- ASEGURAMENTO DO ALUMNO E RESPONSABILIDADE CIVIL.

1. A realización de prácticas académicas externas estará cuberta polo Seguro Escolar, sempre que se realicen en territorio nacional. Para os estudantes maiores de vinte e oito anos formalizarase obrigatoriamente, a cargo do estudante, un seguro de accidentes.
2. Os danos a terceiros como consecuencia da realización de prácticas académicas externas do estudante estarán cubertos polo seguro de responsabilidade civil da USC. Non obstante, no caso de



prácticas nas que concorran riscos excepcionais ou outras circunstancias, e así se considere na convocatoria, poderán contratarse seguros adicionais.

Novena.- DEREITOS E DEBERES DOS ESTUDANTES.

Os estudantes en prácticas terán dereito a contar cun titor externo da Vicepresidencia e Consellería de Presidencia, Administracións Públicas e Xustiza, e un titor académico da universidade.

Os *estudantes* en prácticas terán *dereito* a:

- a) Ser avaliados no desenvolvemento das súas actividades, segundo o establecido no programa. A avaliación referirase á consecución dos obxectivos de formación que deberán ser coñecidos polo titor externo. Os estudantes terán dereito a coñecer os criterios de avaliación.
- b) Á imputación dos créditos cursados para os efectos de finalización de estudos no caso das prácticas curriculares, sempre que contén con avaliación positiva do seu período de prácticas. No caso das prácticas extracurriculares, a que a Universidade acredite as prácticas realizadas facéndoo constar no expediente e no SET sempre que contén con avaliación positiva e se realicen antes do remate dos estudos.
- c) Expedición, por parte da Vicepresidencia e Consellería de Presidencia, Administracións Públicas e Xustiza, finalizado o período de prácticas con avaliación positiva, a unha certificación con mención expresa do nivel acadado na realización das prácticas, con indicación da especialidade á que estivo orientada a súa formación, de ser o caso.
- d) A propiedade intelectual e industrial nos termos establecidos na lexislación reguladora da materia.
- e) Recibir, por parte da Vicepresidencia e Consellería de Presidencia, Administracións Públicas e Xustiza, información da normativa de seguridade e prevención de riscos laborais.
- f) Cumprir coa súa actividade académica, formativa e de representación e participación, previa comunicación con antelación suficiente á Consellería.
- g) Dispoñer dos recursos necesarios para o acceso aos estudantes con discapacidade á tutela, á información, á avaliación e ao propio desempeño das prácticas en igualdade de condicións.
- h) Conciliar, no caso de estudantes con discapacidade, a realización das prácticas con aquelas actividades e situacións persoais derivadas ou conectadas coa situación de discapacidade.
- i) Aqueloutros dereitos previstos na normativa vixente e/ou nos correspondentes convenios de cooperación educativa asinados pola USC e, de ser o caso, a entidade xestora de prácticas vinculadas á mesma, coa Vicepresidencia e Consellería de Presidencia, Administracións Públicas e Xustiza.



No caso das prácticas curriculares se o estudante, unha vez matriculado, non recibise a formación por incumprimento da Vicepresidencia e Consellería de Presidencia, Administracións Públicas e Xustiza, o centro deberá procurar a súa incorporación noutra entidade para desenvolver as prácticas dentro da mesma convocatoria. De resultar imposible, terá dereito á devolución dos prezos públicos pagados e preferencia na asignación na seguinte convocatoria.

No caso de prácticas extracurriculares se o estudante, unha vez matriculado, non recibise a formación por incumprimento da entidade xestora ou da Vicepresidencia e Consellería de Presidencia, Administracións Públicas e Xustiza, poderá optar pola devolución dos prezos públicos pagados, pola súa inclusión nunha lista de agarda ou pola súa inscrición automática nunha nova convocatoria. Estes estudantes terán preferencia sobre os novos solicitantes.

Así mesmo terán os dereitos establecidos no Real Decreto 592/2014, do 11 de xullo, polo que se regulan as prácticas académicas externas dos estudantes universitarios, no Real Decreto 1791/2010, do 30 de decembro, polo que se aproba o Estatuto do Estudante Universitario, e nos Estatutos da Universidade de Santiago de Compostela.



Durante o período de prácticas, o estudantado deberá desenvolver o proxecto formativo e elaborar unha memoria final e, de ser o caso, un informe intermedio.

Con relación á Vicepresidencia e Consellería de Presidencia, Administracións Públicas e Xustiza na que se desenvolven as prácticas, os *estudantes deberán*:

- a) Incorporarse na data acordada e cumprir o horario previsto no Anexo.
- b) Cumprir e respectar o sistema organizativo da consellería.
- c) Gardar o debido sxiilo respecto dos asuntos que coñezan na súa tarefa.
- d) Cumprir e respectar as normas de seguridade e prevención de riscos laborais da consellería.
- e) Cumprir con dilixencia e boa fe as actividades acordadas coa consellería.
- f) Calquera outro deber previsto na normativa vixente, nos convenios de cooperación educativa asinados entre a USC, ou entidade xestora de prácticas e a consellería, e a entidade xestora de prácticas vinculada á mesma, coa Vicepresidencia e Consellería de Presidencia, Administracións Públicas e Xustiza.

Os estudantes de prácticas curriculares estarán obrigados, á realización da totalidade de créditos dos que estean matriculados de acordo co establecido no plano de estudos para obteren o recoñecemento académico.

O incumprimento das súas obrigas poderá determinar a perda automática dos seus dereitos como estudante en prácticas sen prexuízo das accións disciplinarias que procedan.



Décima.-TITORIZACIÓN DAS PRÁCTICAS.

A cada estudante seralle asignado un titor académico que será un docente da titulación designado polo centro para cada práctica ofertada e coa misión de facer un seguimento máis directo da mesma, dar resposta ás expectativas formativas establecidas, asegurar o seu correcto desenvolvemento e avalialo de acordo co proxecto formativo e o programa ou guía docente da materia. O titor académico tamén será o responsable de avaliar ao estudantado de prácticas externas curriculares conforme os criterios de avaliación que se fixen e segundo o procedemento de avaliación establecido pola USC.

Cada estudante contará tamén cun titor na Vicepresidencia e Consellería de Presidencia, Administracións Públicas e Xustiza onde realice as prácticas. Será o responsable de aplicar o plan de formación previsto e elaborar os informes de valoración que lle sexan solicitados sobre o traballo desenvolvido polo estudante.


Décimo primeira.- DEREITOS E OBRIGAS DOS TITORES.

A.- O titor externo da Vicepresidencia e Consellería de Presidencia, Administracións Públicas e Xustiza terá dereito a :

1. O recoñecemento da súa actividade colaboradora por parte da universidade a solicitude dos interesados
2. A ser informado acerca do regulamento de prácticas académicas externas.
3. A ser informado sobre o proxecto formativo e as condicións do seu desenvolvemento.
4. A obter a información e o apoio necesarios para o cumprimento dos fins propios da súa función.

B.- O titor externo da Vicepresidencia e Consellería de Presidencia, Administracións Públicas e Xustiza terá os seguintes deberes:

1. Acoller ao estudante e organizar a actividade a desenvolver consonte co establecido no proxecto formativo.
2. Supervisar as súas actividades, orientar e controlar o desenvolvemento da práctica cunha relación baseada no respecto mutuo e o compromiso coa aprendizaxe.
3. Informar ao estudante da organización e funcionamento da consellería e da normativa de interese, especialmente a relativa á seguridade e riscos laborais.
4. Coordinar co titor académico da universidade o desenvolvemento das actividades establecidas no convenio que deberán contemplar:
 - As modificacións do plan formativo que poidan ser necesarias para o desenvolvemento da práctica.
 - A comunicación e resolución das incidencias que puidesen xurdir.
 - O control de permisos para a realización de exames e ou outro tipo de actividades de carácter académico.





5. Emitir o informe final e, de ser o caso, o informe intermedio.
6. Proporcionar a formación complementaria que precise o estudante para a realización das prácticas.
7. Proporcionar ao estudante os medios materiais indispensables para o desenvolvemento das prácticas.
8. Facilitar e estimular a achega de propostas de innovación, mellora e emprendemento por parte do estudante.
9. Facilitar ao titor académico da universidade o acceso á consellería para o cumprimento dos fins propios da súa función.
10. Gardar confidencialidade en relación con calquera información que coñeza do estudante como consecuencia da súa actividade como titor.
11. Prestar axuda e asistencia ao estudante durante a súa estancia na consellería, para a resolución daquelas cuestións de carácter profesional que poida necesitar no desempeño das actividades que realiza na mesma.

C.- O titor académico da universidade terá os seguintes dereitos:

- a) Ao recoñecemento efectivo da súa actividade académica, sen que do devandito recoñecemento poidan derivarse en ningún caso efectos retributivos específicos.
- b) A ser informado verbo do regulamento de prácticas académicas externas, así como do proxecto formativo e das condicións baixo as que se desenvolverá a estancia do estudante que debe tutelar.
- c) A ter acceso á Vicepresidencia e Consellería de Presidencia, Administracións Públicas e Xustiza para o cumprimento dos fins propios da súa función.

D.- O titor académico da universidade terá os seguintes deberes:

- a) Velar polo normal desenvolvemento do proxecto formativo, garantindo a compatibilidade do horario das prácticas coas obrigas académicas, formativas, de representación e participación do estudante.
- b) Facer un seguimento efectivo das prácticas coordinándose co titor externo da Vicepresidencia e Consellería de Presidencia, Administracións Públicas e Xustiza e vistos, no seu caso, os informes de seguimento.
- c) Autorizar as modificacións que se produzan no proxecto formativo.
- d) Avaliar as prácticas do estudante titorizado de acordo co que se establece no artigo 25 do Regulamento de prácticas académicas externas da USC (aprobado no CG do 29 de xullo de 2015).
- e) Gardar confidencialidade sobre a información que coñeza como consecuencia da súa actividade como titor.
- f) Informar ao responsable das prácticas académicas externas na universidade das posibles



incidencias xurdidas.

- g) Supervisar e, de ser o caso, solicitar a adecuada disposición dos recursos de apoio necesarios para asegurar que os estudantes con discapacidade realicen as súas prácticas en condicións de igualdade de oportunidades, non discriminación e accesibilidade universal.

Décimo segunda.- MEMORIA DAS PRÁCTICAS.

Ao rematar o período de prácticas cada un dos alumnos deberá realizar unha memoria final sobre o traballo desenvolvido que entregará ao titor académico. O seu contido mínimo axustarase ao establecido no Regulamento de prácticas académicas externas da Universidade de Santiago de Compostela e ao modelo propio do centro se o ten.

Décimo terceira.- PROCEDEMENTO DE AVALIACIÓN.

O titor académico, á vista do informe da Vicepresidencia e Consellería de Presidencia, Administracións Públicas e Xustiza e da memoria final do estudante, avaliará as prácticas desenvolvidas cubrindo o correspondente informe de valoración.

Décimo cuarta.- CERTIFICACIÓN DA VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICA E XUSTIZA.

No caso de que a avaliación da memoria e o informe de actuación do alumno sexan favorables, a Vicepresidencia e Consellería de Presidencia, Administracións Públicas e Xustiza emitirá para cada alumno unha certificación na que debe constar o tempo de colaboración, as actividades, traballos, investigacións, etc. realizados nela. A certificación deberá especificar que carecerá de efectos académicos quedando supeditada, a estes efectos, á avaliación que realice a USC das prácticas.


Décimo quinta.- EFECTOS DAS PRÁCTICAS.

A realización das prácticas curriculares polos alumnos computará para a obtención dos títulos correspondentes co carácter establecido no plan de estudos.

No caso das prácticas extracurriculares, non formarán parte do plan de estudos, pero figurarán no expediente e no Suplemento Europeo ao Título, sempre que se realizaran antes da finalización dos estudos.

Décimo sexta.- PROTECCIÓN DE DATOS.

De conformidade co disposto na Lei orgánica 15/1999, de 13 de decembro, de Protección de datos de carácter persoal, o/a estudante en prácticas que por razón das actividades formativas teñan acceso, en calquera fase do tratamento, a datos de carácter persoal non revelará a persoa allea á Vicepresidencia e Consellería de Presidencia, Administracións Públicas e Xustiza información da que tiveran coñecemento, nin utilizar ou dispoñer dela dun xeito ou con finalidade distinta á esixida polas accións formativas, obriga que subsistirá aínda despois de rematadas as mesmas, respondendo en caso de incumprimento do deber de secreto fronte á consellería, sen prexuízo das



responsabilidades que por igual causa puideran derivarse ante a Axencia Española de Protección de Datos.

A tal efecto o/a estudante asinará coa Vicepresidencia e Consellería de Presidencia, Administracións Públicas e Xustiza un documento no que se obrigue a cumprir o deber de secreto antes citado.

Os ficheiros automatizados nos que se sometan a tratamento datos persoais de estudantes, persoal das entidades colaboradoras ou outros participantes nos programas de prácticas académicas externas, deberán respectar a lexislación e a normativa da USC sobre protección de datos de carácter persoal e aplicar as medidas de seguridade que correspondan.

Décimo sétima.- COMISIÓN DE SEGUIMIENTO.

Créase unha Comisión de Seguimento e Interpretación do presente convenio. Intégrana por parte da USC o Vicerreitor con competencias en oferta docente, ou persoa na que delegue, e o responsable de prácticas do centro, e por parte da Vicepresidencia e Consellería de Presidencia, Administracións Públicas e Xustiza as dúas persoas que esta designe. O Vicerreitor con competencias en oferta docente, ou persoa en quen delegue, será o interlocutor da Universidade coa consellería en todo o relativo a este convenio.

A Comisión de Seguimento terá as seguintes competencias:


1. Resolver os problemas que suscite a súa execución.
2. Interpretar e aplicar, con carácter xeral, as estipulacións de este convenio, así como controlar o seu cumprimento e resolver os conflitos entre partes.
3. Tomar medidas en relación ás incidencias que xurdan na realización das prácticas, incluída a expulsión de alumnos/as que non cumpran as cláusulas do convenio.

A comisión reunirse cando así o considere necesario calquera das partes.

Décimo oitava.- NORMAS DE APLICACIÓN SUPLETORIAS.

A falta de determinación no convenio, seranlle de aplicación as seguintes normas:

- Real Decreto 1393/2007, do 29 de outubro polo que se establece a ordenación dos ensinos universitarios.
- Real Decreto 592/2014 de 11 de xullo, polo que se regulan as prácticas académicas externas dos estudantes universitarios.
- Regulamento de prácticas académicas externas da Universidade de Santiago de Compostela, aprobado polo Consello de Goberno do 29 de xullo de 2015.
- Normativa do Plan de estudos da titulación.
- Convocatorias de prácticas externas e demais disposicións xerais de aplicación.
- Aplicación supletoria do Regulamento para a Xestión de Convenios na Universidade de Santiago de Compostela (aprobado polo Consello de Goberno do 19 de decembro de



2002), as resolucións e acordos sobre esta materia no que non se opoñan ao Regulamento de prácticas académicas externas da Universidade de Santiago de Compostela aprobado polo Consello de Goberno do 30 de xullo de 2015.

- De ser o caso, seranlle de aplicación as normas sobre afiliación e cotización de prácticas externas realizadas polos estudantes universitarios, actualmente contidas na disposición adicional vixésimo quinta do Real Decreto-lei 8/2014, de 4 de xullo, ou normativa que a substitúa e a disposición adicional vixésimo sexta da Lei 18/2014, de 15 de outubro, de aprobación de medidas urxentes para o crecemento, a competitividade e a eficiencia ou normas que as substitúan.

Décimo novena.- VIXENCIA DO CONVENIO.

O Convenio terá efectos desde a súa sinatura e a súa duración será de de dous anos, e en todo caso polo tempo que duren as prácticas do alumnado, podendo prorrogarse de forma expresa para os seguintes dous anos de común acordo polas partes e en tanto non se denuncie expresamente como mínimo cun ano de antelación.

En todo caso, non se poderá rescindir mentres existan estudantes realizando prácticas.

Vixésima. - RESOLUCIÓN DO CONVENIO.

Serán causas de resolución do convenio:

- a) O mutuo acordo das partes.
- b) O incumprimento das cláusulas contidas no mesmo, previa reunión da Comisión de Seguimento.


A denuncia do convenio poderá realizarse por calquera das partes, debendo comunicarse por escrito coa antelación establecida na cláusula décimo novena.

Unha vez extinguido o convenio deberá asegurarse ao alumnado que está desenvolvendo as actividades formativas obxecto deste acordo a posibilidade de finalizalas.

Vixésimo primeira.- PUBLICIDADE

Este convenio será obxecto de publicación de acordo co previsto na Lei 1/2016, de 18 de xaneiro, de transparencia e bo goberno da Administración pública galega. Así mesmo, incluírase no Rexistro Público de Axudas, Subvencións e Convenios, de conformidade co Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de presupostos xerais da Comunidade Autónoma para o ano 2006, e artigo 16 da Lei 9/2007, do 13 de xuño, de subvencións de Galicia.

As partes asinantes do convenio manifestan o seu consentimento para que os datos persoais que constan neste convenio, así coma o resto das especificacións contidas no mesmo, poidan ser publicados no Portal da Transparencia e Goberno Aberto.






Vixésimo segunda.- XURISDICIÓN.

As partes comprométense a resolver amigablemente as diferenzas que puideran xurdir a través da comisión de Seguimento.

Non obstante recoñécese a xurisdición contencioso-administrativa como competente na materia, dada a natureza pública das Universidades.

E en proba de conformidade, asinan por duplicado o presente convenio no lugar e data indicados no encabezamento.

O Vicepresidente e Conselleiro de Presidencia Administracións Públicas e Xustiza  	POLA UNIVERSIDADE DE SANTIAGO DE COMPOSTELA Por delegación do Sr. Reitor (RR do 22-09-2015 DOG do 05-10-2015) O Vicerreitor de Oferta Docente e Innovación Educativa  
Alfonso Rueda Valenzuela	D. Roberto J. López López

ANEXO

ANEXO AO CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICAS E XUSTIZA E A UNIVERSIDADE DE SANTIAGO DE COMPOSTELA PARA A REALIZACIÓN DE PRÁCTICAS ACADÉMICAS EXTERNAS CURRICULARES OU EXTRACURRICULARES DE ALUMNOS DO MÁSTER UNIVERSITARIO EN MÁRKETING, CONSULTORÍA E COMUNICACIÓN POLÍTICA.

CURSO ACADÉMICO 201...../201.....

Os abaixo asinantes manifestan que leron e aceptan as condicións e compromisos establecidos no Convenio de Colaboración Educativa subscrito entre a Universidade de Santiago de Compostela e a Vicepresidencia e Consellería de Presidencia, Administracións Públicas e Xustiza, e de acordo coas cláusulas contempladas no dito convenio, fan constar a seguinte información:

1.- Tipo de prácticas: ☐ Curriculares ☐ Extracurriculares

2.- Estudante beneficiario deste Acordo

Apellidos e nome:

DNI

O/a estudante declara cumprir os requisitos establecidos para a realización das prácticas (cláusula terceira do convenio) así como estar ao corrente no pagamento do seguro establecido na cláusula oitava 1. do convenio (seguro escolar para menores de 28 anos; seguro específico para os maiores de 28 anos).

3.- Titulación na que está matriculado o estudante

4.- Centro de traballo e localidade onde se desenvolverán as actividades:

5.- Titor académico:



D/Dona.....

con DNI.....

6.- Titor da Vicepresidencia e Consellería de Presidencia, Administracións Públicas e Xustiza:

D/Dona.....

con DNI.....



7.- Duración das Prácticas Académicas Externas (dd/mm/aa): do..... ao
..... Nº total de días:Horas/día:

8.- O réxime de **permisos** será acordado pola Vicepresidencia e Consellería de Presidencia, Administracións Públicas e Xustiza e o estudante, e deberá adaptarse ás normas que a Universidade poida establecer. En todo caso, deberán respectarse por parte da consellería as obrigas de asistencia á Universidade motivadas polo cumprimento da actividade académica e formativa, así como de representación e participación dos estudantes tal e como se establece na cláusula quinta, apartado 3 do presente convenio.

9.- O **Obxectivo** educativo destas prácticas é que o estudante aplique e complemente os coñecementos adquiridos na súa formación académica, favorecendo a adquisición de competencias que o preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.

11.- Proxecto formativo das prácticas (actividades, competencias, obxectivos específicos, etc.)

COMPETENCIAS QUE ADQUIRE O ALUMNADO EN PRÁCTICAS:

Capacidade para aplicar os coñecementos adquiridos na toma de decisións e na resolución de conflitos de organizacións complexas e no seguimento dos mesmos, tanto no nivel estratéxico como no operativo ou no táctico.

Adquirir habilidades para adaptarse ao traballo en equipos de marketing e comunicación integrados por persoas de diversas disciplinas e/ou lideralos.

Capacidade para comprender e coñecer en profundidade as funcións internas e externas da dirección estratéxica dunha organización complexa, incluídas a xestión e o liderado de equipos multidisciplinares.

Capacidade para utilizar as tecnoloxías máis avanzadas na xestión dos gobernos e campañas na contorna 2.0 desde unha perspectiva estratéxica e para deseñar proxectos de marketing viral, interactivo, SEM-SEO, etc...

Capacidade para desenvolver investigacións no ámbito do marketing e a comunicación política.

Capacidade para deseñar plans de comunicación ligados á construción de determinados produtos políticos, desenvovelos e avalialos.

Capacidade para a utilización avanzada de técnicas e procesos usados nas diversas fases da xestión do marketing en organizacións públicas e privadas.

Capacidade de pensar estratexicamente os procesos de comunicación, a súa posta en marcha e a súa avaliación.

Capacidade de deseñar e xestionar o marketing e a comunicación en situacións de crises a nivel estratéxico, operativo e táctico.

Capacidade para entender e transmitir as necesidades de institucións, organizacións e empresas, do marketing e a comunicación política, tanto a nivel interno como externo desde unha perspectiva integral.

Capacidade para organizar eventos e acontecementos dentro dunha estratexia de marketing.

Capacidade para desenvolver un estudo avanzado sobre aspectos relevantes do marketing político e a comunicación estratéxica integral, así como defender a metodoloxía e as conclusións alcanzadas ante especialistas neste ámbito disciplinar.

CONTIDO DAS PRÁCTICAS:

Realizar durante o período indicado prácticas profesionais, baixo a supervisión e tutela dunha persoa responsable da organización e un profesor/a designado polo órgano competente da USC.

SISTEMA DE AVALIACIÓN DA ADQUISICIÓN DAS COMPETENCIAS E SISTEMA DE CUALIFICACIONES DACORDO COA LEXISLACIÓN VIXENTE:

As prácticas externas en empresas sométense a dobre avaliación. Por unha banda, a institución ou axencia na que o alumnado desenvolve o seu período de prácticas emite un informe de avaliación do seu desempeño. Por outra banda, o alumno/a ten que realizar un informe escrito no que describe as actividades desenvolvidas durante o período de prácticas e a aplicación realizada na mesma dos coñecementos, habilidades e destrezas aprendidas no master. O devandito informe é xulgado e avaliado polo tutor/a do alumno ou, no seu defecto, polo coordinador/a do master.

12.- Sistemas de avaliación e control: O tutor académico, á vista do informe da Vicepresidencia e Consellería de Presidencia, Administracións Públicas e Xustiza e da memoria final do estudante, avaliará as prácticas desenvolvidas tal e como se establece no artigo 25, apartado 4 do Regulamento de prácticas académicas externas da Universidade de Santiago de Compostela, aprobado polo Consello de Goberno do 29 de xullo de 2015.



